

զամենայն աւուրս կենաց իւրեանց ըստ նմանութեան Օրինակին:

Գ Լ ՈՒ Խ ԼԱ.

'ի միջոցէ բոլոր փոխանորդացէ 'ի տանէն հայոց ընտրեցեալ լինի այրս երիս սեպհական յազգէն հայոց և աւանդութեամբն հայաստանեաց սուրբ Եկեղեցւոյ, վասն դիւրութեան և թեթևութեան և հեշտութեան ջատագովելոյ առաջի ատենի տանուտերաց մէջ տանն հայոց վասն հարկաց մաքսից, հասից, բաժնից, սոկոսաց և այլն, վասն բարութեան հասարակ ժողովրդոց, և 'ի տանէն հայոց տացի սոցայ նամակ պաշտօնատարութեան ժամանակաւ երիս ամաւ ըստ նմանութեան Օրինակին:

Գ Լ ՈՒ Խ ԼԲ.

'ի միջոցէ բոլոր փոխանորդացէ 'ի տանէն հայոց ընտրեցեալ լինի այրս երիս վասն զգոյշանալոյ 'ի վերայ ոռճկի հատուցման պաշտօնատարաց, 'ի տանէն հայոց տացի սոցայ նամակ պաշտօնատարութեան ոռճկապետութեան ըստ նմանութեան Օրինակի: